

Dana 13.10.2020. godine, u Zenici, zaključen je sljedeći

SPORAZUM O SARADNJI

između:

1. **Grada Zenica**, Trg BiH br. 6., Zenica, ID broj **4218237080009**, koju predstavlja i zastupa Gradonačelnik **Kasumović Fuad** s jedne strane, i
2. **Udruženje građana Nogometni klub „Čelik“ Zenica**, ID broj **4218244880002**, koje zastupa Predsjednik **Mušović Denis**, te direktor **Delismajlović Zlatan**, s druge strane,

Član 1.

Polazeći od višedecenijske međusobne povezanosti i saradnje, koja traje punih 75 godina, te novonastale situacije u kojoj se NK „Čelik“ našao prelaskom u Kantonalnu ligu ZDK,

potpisnici ovog Sporazuma izražavaju spremnost da svaki sa svoje strane poduzme mjere i aktivnost koje će omogućiti:

- bržu revitalizaciju Kluba i njegov postepeni povratak među najbolje klubove u Bosni i Hercegovini, gdje se decenijama NK „Čelik“ i nalazio,
- neometan rad NK „Čelik“, dovođenjem na nivo solventnosti i poslovanja u cilju napretka rada Kluba,
- podrška i garancije koje treba pružiti Grad Zenica NK „Čelik-u“ u cilju rješenja tekućih kao i dospjelih obaveza prema javnim komunalnim društvima i organizacijama,
- stalna međusobna saradnja u cilju unaprijeđenja rada NK „Čelik“ i povratak u Premijer ligu BIH,
- obezbjeđenje finansijske podrške kroz preuzimanje plaćanja dugova komunalnih usluga iz ranijih godina dospijeca.

Član 2.

U smislu realizacije cilja utvrđenog članom 1.ovog Sporazuma,

Grad Zenica se obavezuje:

- da će bezrezervno i bezuslovno pristupiti realizaciji zaključaka Gradskog Vijeća Zenica br. 01-45-17037/20 i br. 01-45-17039/20, oba od 20.08.2020. godine. Zaključci će se implementirati i to odmah nakon što NK „Čelik“ sa nadležnom ispostavom Porezne uprave F BiH potpiše novi Sporazum o reprogramu otplate duga, kako je to preporučeno prvim zaključkom Gradskog Vijeća, što podrazumijeva davanje garancija, kroz eventualno zahtjevane instrumente obezbjeđenja otplate poreznog duga u ratama.

- da će prema novom Sporazumu o reprogramu duga sa Porezom upravom F BiH, čija je priprema u toku, u budžetu grada obezbijediti sredstva za otplatu poreznog duga (dvanaest mjesečnih rata u iznosu koji bude utvrđen novim Sporazumom) prema Poreznoj upravi F BiH. Obaveza Grada Zenica je da u budžetu za svaku godinu koliko traje Sporazum sa Poreznom upravom F BiH obezbijedi sredstva u iznosu godišnje obaveze utvrđene novim Sporazumom.

Grad Zenica se obavezuje mjesečni iznos rate po osnovu Sporazuma o reprogramu duga NK „Čelik“ Zenica uplaćivati na račun Porezne uprave F BiH, kako to bude naznačeno u Sporazumu o reprogramu duga koji NK „Čelik“ zaključi sa Poreznom upravom F BiH.

- da će novčana sredstva uprihodovana od zakupa svih poslovnih prostora na stadionu Bilino polje, Grad Zenica od 01. januara 2021. godine, u periodu od narednih 10 (deset) godina, prenositi na račun Omladinske škole NK „Čelik“ broj računa 102010000048227 otvoren kod Union bank dd Sarajevo u jednakim mjesečnim anuitetima, svakog 5. u mjesecu za prethodni mjesec. Sastavni dio ovog sporazuma čini prilog 1 (lista poslovnih prostora, sa površinom, zakupcem i visinom zakupnine).
- da će aktivno učestvovati, posredovati i pomagati u razrješavanju spornih situacija između Kluba i javnih preduzeća čiji je osnivač Grad Zenica, koji se pojavljuju kao davaoci usluga klubu NK „Čelik“ ili povjerioci Kluba.
- omogućiti legitimnim predstavnicima Kluba prisustvo na sjednicama Gradskog Vijeća radi izlaganja stanja i uvida u rad Kluba.

NK „Čelik“ Zenica se obavezuje:

- da će racionalizirati troškove svog djelovanja u narednom periodu na način da bude omogućeno funkcionisanje Kluba u novonastalim okolnostima,
- da će putem sporta i sportskih aktivnosti promovisati Grad Zenicu,
- da će aktivno raditi na omasovljavanju Omladinskog pogona i raditi na promociji omladinskog fudbala,
- da će u cilju transparentnog trošenja sredstava dostavljati tromjesečni finansijski izvještaj Gradonačelniku i Gradskom vijeću, s posebnim naglaskom na utrošak sredstava uprihodovanih od zakupnina poslovnih prostora na stadionu Bilino Polje.

Član 3.

Sporazum stupa na snagu danom potpisivanja, a primjenjivat će se odmah po potpisivanju novog Sporazuma o reprogramu poreskog duga između Porezne uprave F BiH i NK „Čelik“ kao poreskog obveznika.

Član 4.

Sva eventualne sporna pitanja i sporove u toku realizacije ovog Sporazuma potpisnici će nastojati riješiti sporazumno, a u protivnom nadležan je Općinski Sud u Zenici.

Član 5.

Ovaj Sporazum je sačinjen u 6 (šest) istovjetnih primjeraka, od kojih svaka strana zadržava po tri primjerka i rezultat je saglasnih volja obje strane, koje ga u znak punovažnosti potpisuju i ovjeravaju.

Grad Zenica



Genis Musić

NK „Čelik“ Zenica